

MIZO THEOLOGICAL ASSOCIATION

AIZAWL, MIZORAM

President: Rev. Dr. Rosiamliana Tochhawng
Secretary: Rev. H. Ramthianghlima
Asst. Secy: Capt. Vanlalhriata
Treasurer: Nl. Rualzamawii



Vice Presidents:

Rev. Dr. K. Lallawmzuala, PCI
Rev. R. Lalrintluanga, BCM
Rev. Zion Varmawia Fanchun LIKKBK
Rev. Khabi Chozah, ECM
Rev. Jessai L. Neitham, EFCI
Lt. Col. Lalramliana Hnamte, SA
Rev. Dr. Tlanghmingthanga, ATC
Rev. Dr. C. Vanlaldika, AICS

MIZO THEOLOGICAL ASSOCIATION (MTA)

INTHLAN THUCHAH SAWM

November 7, 2023 hian Mizoramah MLA tur kan lo thlang leh dawn ta a, Kristian ram kan nih anga inthlanna thianghlime, dik leh felfai tak a awm theih nan MTA chuan Mizoram mipuite hnenah inthlan thuchah sawm a siam a, ngai pawimawh a, zawm turin mipuite kan in ngen e.

1. Ram chu Lalpa ta a ni a, (I Chro 29:11) ram rorelna pawh Pathian ta a ni. ‘Chungnungbera chuan mihringte lalna ram chungah thu a nei a ni’ (Dan 4:25). Chuvangin ram roreltu ni tura kan beihna leh roreltu tur kan thlanna kawngah ram leh rorelna hi Pathian thuneihna hnuaia mi a ni tih i hre reng ang u.
2. Roreltute hi mipui himna leh thatna tura Pathian ruat an ni a (Rom 13: 1-7). Engkim chungah thuneitu, a duh apiang hnena lalna leh thuneihna pe theitu chu Pathian a ni. Pathianin kawng hrang hrangin roreltute a ruat thin a, tun hun a roreltu min ruatsak dan chu mipuite duhthlanna hmangin a ni. Chuvangin kan duhthlanna thiang hruai khawlo thei, sum leh pai leh therh hlo emaw chi leh sakhaw bil nihna emaw a bika kan hlawkna tur emaw ngaihtuahna te dah thain kan rilru duh thlanna thianghlime takin kan ram tana tha ber tur nia kan hriat thlang ngam ang u.
3. Sum ngainatna hi sual tinreng bul a ni a (I Tim 6:10), sum thianghlime lo hian rorelna a hruai khawlo thin. Duhamna hi milem biakna a ni a (Kol 3:5); Pathian leh sum rawng bawl kawp thei kan ni lo (Matt 6:24). Sum hian rorelna a hruai dik lo sam hle a ni tih hria in roreltu tur kan thlanna kawngah sum hmachhuan leh sum uma engmah ti lo turin i fimkhur ang u.
4. “Dik taka lalin ro a rel chuan ram a phuisui a, thamna a lak chuan ram a tlu chhe thin” tih hi Pathian thu dik ding reng a ni. Dik taka rorelna hi ram hmasawna leh hmuangilna a ni a, rorelna dik lo hnuaiah ram a hrehawmin a rethei thin. Dik taka rorel tur mi chuan dan dik takin lalna chan tumin a bei ang. Dawt leh inbumna, mite sawichhiatna leh hmanraw dik lo pawh hmang hreh lo mi chuan dik taka ro a rel theih a beiseiawm loh avangin chutiang tih chingte chu i hnawl ngam ang u.
5. Ram roreltu tura inpe te atanga beiseina dik lo neih hi mipuiin roreltute an hruai sualna a ni thin a. Chuvangin mimal leh eng pawl mahin MLA candidate emaw an thuihhruaite emaw hnena sum leh therhlo dil hi thil tha lo a ni.

6. Sum leh therhlo hmang emaw, eng thil emaw inpek tiam zawnga campaign hi a tling lo tan insenthlawnna mai a ni a, a tling tan pawh sum sen tawh rulh lehna tura mipui sum dik lo taka hman sualtirtu a ni thin avangin hetiang hmanga campaign lo turin kan inngen a ni.
7. Chi leh sakhua (kohhran) inkara inhuatna thlen thei zawng emaw mahni mimal hlawkna tur zawnga chi bing leh sakhaw pawl rilru chawh tho zawnga politics hman hi a tha lo a, mi tlemte hlawkna tura mi tam tak buaina thlen thintu a nih avangin hetiang lakah hian inveng ang u.
8. Dan lova sumdawngte leh ruihhloa sumdawngte nena engtikawng maha inthurual lo turin party tin leh candidate zawng zawngte kan ngen a; hetiang mite puihna sum leh pai pawh hnawl ngam turin kan inngen a ni.
9. Kan sakhua leh Chanchin Tha nek chep thei tur pawlte nen inthlan hma leh inthlanhnuah pawh thawk dun hauh lo turin kan inngen a ni.
10. Vote thlak hi kan dikna chanvo leh khua leh tui kan nihna anga kan mawhpurhna a ni a, chuvangin mitin ten vote thlak theuh ang u.



(REV. H. RAMTHIANGHLIMA)
Secretary



(REV. DR. ROSIAMLIANA TOCHHAWNG)
President

*Published by Mizo Theological Association (MTA)
Dated Aizawl, the 30th October, 2023.*